

畿輔通志卷一百八

略六十三 經政十五 郵政一 前代 國朝

漢

武帝元鼎二年渤海郡被災民餓死於道路詔振救

漢書

宣帝甘露三年二月詔北邊振穀食

漢書

成帝鴻嘉四年正月詔幽冀等部水旱爲災遣使者循行郡國被災十四以上民貲不滿三萬勿出租賦逋貸未入皆勿收秋勃海清河河溢被災者振貸之

同上

東漢

明帝永平五年冬十月幸鄴復元氏縣田租更賦六歲

後漢書

章帝建初七年九月幸鄴復元氏縣租賦三歲

元和三年三月詔高邑令祠光武於卽位壇復元氏七年徭

趙王元年十一月均境內百姓田租之半賜帛穀有差十六國春秋

後燕

一年出冀流民多入高句驪以龐淵爲遼東太守招撫之

同上

北魏

太宗泰常三年三月以范陽去年水復其租稅魏書

太武帝始光四年十有二月行幸中山復所過田租之半

大延三年二月乙卯行幸幽州存恤孤老問民疾苦還幸上

谷遂至代所過復田租之半

文成帝興安元年十有二月癸亥詔以營州蝗開倉賑恤

太安四年三月丁未觀馬射於中山所過郡國賜復一年

和平四年冬十月以定州實霜殺稼免民田租

太和七年三月甲戌以冀定二州民饑詔郡縣爲粥於路以食之

宣武帝永平三年五月丁亥詔以冀定二州旱開倉賑恤

延昌元年四月以旱詔河北民就穀燕恒二州

延昌二年冬十月詔以恒肆地震民多死傷蠲兩河一年租賦乙巳詔恒肆民多離災其有課丁沒盡老幼單辛家無受復者各賜廩以接來稔

孝明帝熙平元年夏四月戊戌以瀛州民饑開倉賑恤

熙平二年冬十月庚寅以幽冀滄瀛四州大饑遣尙書長孫稚兼尙書鄧美元纂等巡撫百姓開倉賑恤

神龜元年正月幽州大饑詔刺史趙邕開倉賑恤

孝靜帝天平三年冬十有一月戊申詔尙書可遣使巡檢河北流移饑人邢陘滏口所經之處若有死屍卽爲藏掩同上

北齊

文宣帝天保八年自夏至九月河北六州大蝗詔今年遭蝗

之處免租

北齊書

天保九年秋七月戊申詔趙燕瀛定南營等州及司州之廣平清河二郡去年蝨澇損田兼春夏少雨苗稼薄者免今年租賦

武成帝大甯元年三月戊子詔給滄趙等州及司州之清河武都冀州之長樂渤海遭水潦之處貧下戶粟各有差同上

隋

文帝開皇十二年詔河北今年田租三分減一兵減半功調

全免

通考

唐

高宗開耀元年正月己亥免河北等處一年調書

唐書

永純元年八月丁卯以河北大水遣使賑乏絕室廬壞者給

復一年溺死者贈物人三段

同上

元宗開元五年免河北蝗水州今歲租

通考

代宗廣德元年七月壬子改元給復河北三年

唐書

大歷十年四月給復昭義五州二年

德宗建中元年二月甲戌給復易定深趙恒冀六州三年

憲宗元和十三年六月癸亥給復滄景等州一年

穆宗長慶元年三月丁巳給復幽涿檀順瀛莫管平八州一

年

文宗太和三年五月辛卯給復滄景等州一年

開成五年六月以河北等處蝗疫除其徭

武宗會昌四年八月戊戌給復邢洛磁等州一歲同上

五代

後晉

高祖天福三年九月己巳赦魏州蠲民租五代史

宋

太祖建隆三年七月辛巳遣從臣十人檢河北旱宋史

乾德元年二月辛亥澶魏等州饑命發廩振之四月辛亥貸

澶州民種食

太宗雍熙四年正月蠲河北雍熙三年以前逋租

端拱元年二月己亥詔瀛州民爲敵所侵暴者賜三年租復

其役

端拱二年三月平塞天威威虜靜戎保塞甯邊等軍祗易保定鎮邢趙等州民除雍熙四年正月丙戌詔給復外更給復二年霸代洛雄莫深等州更給復一年

純化元年十一月蠲大名府管內今年租十之七

純化四年自七月雨至是不止是月河水溢壞澶州溺死者給歛具澶人干錢仍發廩以振

真宗咸平三年正月庚寅河北民被焚掠者復其租

咸平四年秋七月庚午以河朔餽運勞民詔轉運使減徭役存恤閏月庚寅河北饑蠲賦減役發廩振之

咸平五年四月丙戌賜深霸九州民租有差五月乙巳蠲天

下逋負

同上

咸平五年遣中使詣雄霸瀛莫等州爲粥以賑饑民

續通考

景德元年十二月丁亥遣使安集河北流民王辰詔河北民經蹂踐者給復二年甲午車駕發澶州大寒賜道傍貧民襦

袴戊申詔恤河北傷殘

宋史

景德二年正月振河北饑

景德三年二月乙亥詔河北振乏食客戶是歲河北饑振之大中祥符六年六月癸酉保安軍兩河溢兵民溺死遣使振之

天禧二年正月壬寅振河北饑

天禧三年八月庚戌遣使撫恤河北水災

仁宗天聖四年夏四月壬子詔河北平穀價六月丁酉詔河北被水民田蠲其租振河北流民過京師者

天聖六年四月丁丑詔河北流民復業者復是年租賦八月乙丑詔免河北水災州軍秋稅九月甲辰詔河北災傷民質桑土與人者悉歸之候歲豐償所貸

天聖七年二月癸巳募民入粟以振河北是歲河北水遣使給其家緡錢

天聖八年三月詔河北被水州縣毋稅牛

明道二年遣使安撫河北除民租

康定元年三月辛巳賜河北等處諸軍緡錢

慶厯四年九月壬戌詔保州民田遭蹂踐者蠲其租

慶厯八年閏月詔河北平貝州所踐民田蠲其稅二月己卯賜瀛莫恩冀州緡錢二萬贖還饑民鬻子秋七月戊戌以河北水令州縣募民爲軍九月戊午詔三司以今年江淮漕米

轉給河北州軍十一月出內藏錢帛賜三司買粟以濟河北流民

皇祐元年正月己未詔以緡錢二十萬市穀種分給河北貧民二月戊辰以河北疫遣使頒藥六月甲子蠲河北復業民租賦二年冬十一月丙申詔河北被災民八十以上及篤疾不能自存者人賜米一石酒一斗

皇祐二年十一月丁卯河北水詔蠲民租出內藏錢四十萬緡絹四十萬匹付本路使措置是歲芻糧

皇祐四年河北等路水蠲河北民積年逋負

至和元年五月戊寅以河北流民稍復遣使安撫

嘉祐元年六月辛未免河北等處被水民賦租戊寅遣使安撫河北七月丙戌賜河北流民米壓溺死者賜其家錢有差

已丑出內藏錢絹振貸河北

嘉祐二年三月戊寅振河北被災民夏四月丁未以河北地數震遣使安撫

嘉祐三年冬十月癸亥除河北坊郭客戶乾食鹽錢

英宗治平四年六月己未振河北流民

同上

治平四年河北旱民流入京師待制陳薦請以糶使司陳粟貸民戶二石從之

續通考

神宗熙寧元年七月壬午以恩冀州河決賜水死家緡錢及下戶粟王辰遣御史中丞滕甫知制誥吳充安撫河北八月壬寅詔京東西路存恤河北流民

宋史

熙寧二年四月甲子免河北歸業流民夏租九月戊辰出內庫緡錢百萬糶河北常平粟

熙甯三年振河北饑民

熙甯四年二月戊辰詔振河北民乏食者五月壬子詔恩冀等州災傷遣使振恤蠲其稅

熙甯七年八月辛卯除放邢洛等州秋稅十月以常平粟振河北東路流民

熙甯十年七月河決澶州九月庚戌詔河決害民田所屬州縣疏濬仍蠲其稅

元豐元年八月丁未詔河北被水者蠲其租已巳詔滄州被水民以常平糧貸之

元豐二年二月乙丑滄州饑發倉粟振之

元豐四年四月乙酉河決澶州五月丁酉詔河東路提點刑獄劉定專振被水民八月丙辰詔蠲河北東路災傷州軍

元豐七年河北水壞洺州廬舍燬其稅

哲宗元祐元年二月辛酉以河決大名壞民田民艱食者舉
詔安撫使韓絳振之

元祐二年二月丁亥遣左司諫朱光庭使河北振民被災者
元祐八年八月壬戌遣使按視河北水災

紹聖元年三月癸巳詔振河北流民貸以穀麥種諭使還業
蠲是年租稅九月癸卯遣御史劉拯按河北水災振饑民丁
卯詔河北振恤流民十一月丁巳詔河北振饑諸路恤流亡
是歲河北水發京都粟振之

同上

紹聖元年帝以河北之民歉歲乏食流移未歸詔給空名敕
牒度牒付河北東西路提舉司召人入錢粟充賑濟

續通考

紹聖二年二月辛巳出內庫錢帛助河北振饑

宋史

元符元年十月丁酉以河北河溢遣官振恤是歲澶州河溢振恤河北被水者

元符二年七月庚戌河北河漲沒民田廬遣官振之十一月壬辰詔河北黃河退灘地聽民耕墾免租稅三年

元符三年五月癸巳河北饑詔帥臣計度振恤

欽宗靖康元年七月己卯免借河北田

同上

遼

穆宗應歷三年十一月以南京水詔免今歲租

欽定續通考

聖宗統和七年六月辛酉詔燕樂密雲二縣荒地許民耕種

免賦役

遼史

統和九年春正月辛卯詔免三京諸道租賦仍罷括田

統和十二年二月甲申免南京被水戶租賦

同上

統和十四年正月蠲三京及諸州稅賦

續通考

統和十四年十二月甲寅以南京道新定稅法太重減之

遼史

統和十五年三月免南京逋稅及義倉四月發義倉粟賑南

京諸縣民

續通考

統和十九年十二月庚辰免南京平州租稅

遼史

統和二十八年賑平州饑民

統和二十九年三月庚寅南京平州水振之

開泰六年冬十月丁卯南京路饑輓雪應朔宏等州粟振之

開泰七年四月辛未振中京貧乏

太平六年二月己巳南京水遣使振之

太平十一年秋七月庚戌振薊州民饑

興宗景福十五年賑南京貧民

重熙十二年十一月丁亥以上京歲儉復其民租稅

重熙十五年十一月乙巳振南京貧民

重熙十七年八月丙戌復南京貧戶租稅

道宗清甯九年八月庚午朔遣使安撫南京吏民

咸雍四年永清武清安次固安新城歸義容城諸縣水復蠲一歲租

咸雍五年冬十月永清武清安次固安新城歸義容城諸縣水復一歲租

咸雍七年十一月戊子免南京流民租

咸雍八年二月戊辰歲饑免武安州租稅振恩蔚順惠等州民夏四月壬子振饒州民六月甲寅振易州貧民巳未振中

京甲子振中興府秋七月丙申振饒州饑民

同上

咸雍十年正月蠲平州復業民租賦

續通考

太康元年夏四月丙子振平州饑閏月丙午振平灤二州饑

七月振南京貧民九月以南京饑免租稅一年

遼史

太康二年二月癸丑南京路饑免租稅一年九月戊午以南

京蝗免明年租稅

太康五年六月丁巳振平州貧民十一月癸未復南京差役

三年被火之家免租稅一年

太康六年五月壬申免平州復業民租賦一年

大安二年九月壬申發粟振上京中京貧民

同上

大安三年正月復南京貧民租賦出錢粟振之

續通考

欽定

大安三年二月丙戌發粟振中京饑夏四月戊子賜中京貧

民帛

遼史